

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za boračka pitanja, Vlada Zeničko-dobojskog kantona, na 66. sjednici, održanoj dana 22.07.2020. godine, donosi

## **ODLUKU**

### **Član 1. (Predmet)**

Odobrava se učešće Zeničko-dobojskog kantona u realizaciji Programa sufinansiranja zapošljavanja i samozapošljavanja djece šehida i poginulih boraca u 2020. godini, broj: 04-45-2057-1/20 od 07.07.2020. godine, JU Služba za zapošljavanje Zeničko-dobojskog kantona.

### **Član 2. (Odobranje sredstava)**

Odobravaju se novčana sredstva u iznosu od 100.000,00 KM (slovima: stotinhiljada konvertibilnih maraka) za realizaciju obaveza Zeničko-dobojskog kantona po Programu iz člana 1. ove odluke.

### **Član 3. (Zaduženje ministra)**

Zadužuje se ministar Ministarstva za boračka pitanja da u ime Vlade Zeničko-dobojskog kantona sa Federalnim zavodom za zapošljavanje i Službom za zapošljavanje Zeničko-dobojskog kantona zaključi Sporazum o međusobnoj saradnji u realizaciji Programa iz člana 1. ove odluke.

### **Član 4. (Ekonomski kod)**

Sredstva iz člana 2. ove odluke isplatit će se iz Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 222 „Transfer za podsticaj zapošljavanja branilaca i članova njihovih porodica“ Ministarstva za boračka pitanja, a ista će biti uplaćena na račun Službe za zapošljavanje Zeničko-dobojskog kantona.

### **Član 5. (Realizacija odluke)**

Za realizaciju ove odluke zadužuju se Ministarstvo za boračka pitanja i Ministarstvo finansija, svako u okviru svojih nadležnosti.

### **Član 6. (Stupanje na snagu)**

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-12431/20  
Datum, 22.07.2020. godine  
Zenica

**PREMIJER**

*Mirza Ganić*

DOSTAVLJENO:

- 1x Ministarstvo za boračka pitanja,
- 1x Ministarstvo finansija,
- 1x Federalni zavod za zapošljavanje, putem Ministarstva,
- 1x JU Služba za zapošljavanje Zeničko-dobojskog kantona, putem Ministarstva,
- 1x „Službene novine Zeničko-dobojskog kantona“,
- 1x a/a.